



An Bhruiséil, 16 Meitheamh 2017
(OR. en)

10452/17

SOC 491
EMPL 377
EDUC 299
ECOFIN 554

TORADH NA nIMEACHTAÍ

ó:	Ardrúnaíocht na Comhairle
chuig:	na toscaireachtaí
Uimh. an doic. roimhe seo:	9647/1/17 REV 1 SOC 435 EMPL 339 EDUC 267 ECOFIN 458
Ábhar:	I dTreo Straitéisí Chun Gur Fiú Tairbhe na hOibre - Conclúidí ón gComhairle (15 Meitheamh 2017)

Gheobhaidh na toscaireachtaí i gceangal san Iarscríbhinn na Conclúidí ón gComhairle dar dteideal "I dTreo Straitéisí Chun Gur Fiú Tairbhe na hOibre", a ghlac Chomhairle EPSCO ag an 3548ú cruinniú a bhí aici ar an 15 Meitheamh 2017.

I dTreo Straitéisí Chun Gur Fiú Tairbhe na hOibre

Conclúidí ón gComhairle

AG FÉACHAINT DON MHÉID SEO LEANAS

1. Tá an leibhéal dífhostaíochta sna 28 mBallstát den Aontas fós níos airde ná mar a bhí roimh an ngéarchéim, agus 20.9 milliún duine dífhostaithe in 2016 agus as an méid sin bhí beagnach 50% díobh dífhostaithe le breis is bliain amháin agus tá 20% díobh faoi 25 bliana d'aois.¹ Tá tuairim is 11.5% de dhaoine óga idir 15-24 bliana d'aois (2016) nach bhfuil i mbun oideachais, fostaíochta nó oiliúna (NEET) agus tá baol ann, dá bharr sin, go ndéanfaí iad a eisiamh ó mhargadh an tsaothair.²
2. Cé go bhfuil laghdú ar an líon iomlán daoine atá i mbaol bochtaineachta nó eisiaimh shóisialta san Aontas, tá an ráta foriomlán fós ard ag 23.7%, agus tá an méid atá bainte amach go dtí seo atá fós i bhfad ó sprioc Eoraip 2020 maidir le bochtaineacht agus eisiamh sóisialta a bhaint amach. Tá dúshlán thábhachtacha ann ar fud catagóirí éagsúla freisin, agus an bhochtaineacht níos forleithne i measc daoine neamhghníomhacha agus dífhostaithe.
3. Cé go bhfuil bearnaí inscne á gcaolú, tá neamhionannas ann i gcónaí agus tá dúshlán le sárú maidir le bearnaí inscne san fhostaíocht, san fhéinfhostaíocht, san obair pháirtaimseartha neamhdheonach, san fhiontraíocht agus sa chinnteoireacht.³ Feictear an difríocht is mó inscne ó thaobh pá de, agus bean amháin as gach cúigear ar phá íseal i gcomparáid le fear amháin as gach deichniúir.⁴ Mar thoradh air sin, bíonn cóir neamhionann le linn na saolré **proifisiúnta** idir fir agus mná maidir le rochtain ar mhargadh an tsaothair, agus bíonn bearna inscne ann i gcás pinsean agus baol bochtaineachta níos mó ann dá bharr sin.

¹ Eurostat: Sonraí a bhfuarthas rochtain orthu ar an 4 Bealtaine 2017.

² Eurostat: Sonraí a bhfuarthas rochtain orthu ar an 4 Bealtaine 2017.

³ Conclúidí ón gComhairle: Freagairt do Rannpháirtíocht Straitéiseach an Choimisiúin don chomhionannas inscne, a glacadh ar an 16 Meitheamh 2016.

⁴ Conclúidí ón gComhairle maidir le Scileanna na mBan agus na bhFear i margadh saothair an Aontais Eorpaigh a fheabhsú, a glacadh ar an 3 Márta 2017.

4. Sa chomhthéacs sin, tá gá le straitéisí chun gur fiú tairbhe na hoibre d'fhonn cruthú post ar ardchaighdeán⁵ a chur chun cinn agus cuimsitheacht mhargadh an tsaothair a mhéadú, trí dheireadh a chur le bacainní ar rannpháirtíocht i margáí saothair, trí dhul i ngleic le deighilt mhargadh an tsaothair agus trína áirithiú go gcuirfidh na córais cosanta sóisialta tacaíocht leordhóthanach ioncaim agus seirbhísí cumasúcháin ar fáil do chách agus aistrithe á spreagadh le linn an ama san fhostaíocht agus san obair gur fiú an tairbhe í.
5. I gcomhréir leis na moltaí i ndáil le beartais ghníomhacha maidir le margadh an tsaothair, féadfaidh straitéisí chun gur fiú tairbhe na hoibre ionstraim éifeachtach a sholáthar do bheartais shocheacnamaíocha chun an fás a chur chun cinn agus chun poist ar ardchaighdeán a chruthú⁵, chun an bhochtaineacht, an neamhionannas, an t-eisiamh sóisialta agus an spleáchas fadtéarmach ar shochar a laghdú. Féadfaidh siad dlús breise a chur faoin gclár oibre ó thaobh tacú le rannpháirtíocht ghníomhach i margadh an tsaothair de agus ó thaobh cuimsiú a threisiú sa mhargadh saothair Eorpach de.
6. Atreisítear tuilleadh a thábhachtaí atá sé gur fiú tairbhe na hoibre le teacht chun cinn dálaí nua socheacnamaíocha a bhaineann leis an imirce, leis an déimeagrafaic luaineach, le digitiú, le fostaíocht neamhthipiciúil agus le cineálacha nua oibre.

DÉANANN COMHAIRLE AN AONTAIS EORPAIGH AN MÉID A LEANAS

LEAGANN SÍ BÉIM ar an méid seo a leanas

7. Le straitéisí chun gur fiú tairbhe na hoibre, i gcomhar le beartais éifeachtacha mhaicreacnamaíocha chun fostaíocht a chruthú, féadfar Eoraip Shóisialta⁶ a bheidh láidir agus a mbeidh teacht aniar inti a chruthú.
8. Ní mór tosaíocht a thabhairt do dheiseanna fostaíochta ar an gclár oibre ar fud na mBallstát uile, don infhostaitheacht a fheabhsú agus tacaíocht a thabhairt do dhaoine a bheith rannpháirteach i margadh an tsaothair. I ndáil leis an méid sin, chun torthaí fadtéarmacha a áirithiú lena gcothófar iomaíochas, inbhuanaitheacht agus cuimsiú gníomhach, baineann tábhacht thar na bearta le scrúdú a dhéanamh ar chomhthéacs níos leithne na mbeartas i dtaca le margadh gníomhach an tsaothair.

⁵ I gcomhréir le treoirlíne fostaíochta 5 de na Treoirlínte do Bheartais Fostaíochta na mBallstát.

⁶ I gcomhréir le Dearbhú na Róimhe, a glacadh ar an 25 Márta 2017.

9. Chun go mbeidh bearta inbhuanaithe fadtéarmacha chun gur fiú tairbhe na hoibre ann, beidh gá le cur chuige ilghnéitheach comhtháite beartais agus é bunaithe ar infheistíocht in eolas, i scileanna agus i ndeiseanna foghlama ar feadh an tsaoil, lena nglacfar céimeanna siar ón spleáchas fadtéarmach ar shochar le beartais éifeachtacha maidir le cuimsiú gníomhach chomh maith le hinfeistíocht a dhéanamh i struchtúir tacaíochta a bheidh leordhóthanach agus inacmhainne chun cothromaíocht a aimsiú idir an saol oibre, saol an teaghlaigh agus an saol príobháideach.

Margaí dinimiciúla saothair a fhorbairt trí infheistíochtaí a dhéanamh i lucht saothair a bhfuil eolas agus scileanna acu

10. Leis an dlús atá faoin domhandú agus faoi athruithe teicneolaíocha, feictear neamhréir scileanna ag teacht chun solais. Cuireann neamhréireanna bac ar fhorbairt leanúnach an eolais san Eoraip, rud atá riachtanach chun dul in oiriúint d'athruithe, chun iomaíochas a choinneáil agus chun a áirithiú go mairfidh an seasamh atá ag an Aontas ar bhonn réigiúnach agus domhanda.
11. Ní mór infheistíochtaí i gcaipiteal daonna a bheith mar bhuntaca na straitéisí chun gur fiú tairbhe na hoibre chun go gcumasófar daoine leis na huirlisí agus na scileanna is gá chun leas a bhaint as rannpháirtíocht i margadh an tsaothair. Ní mór lucht saothair cumhachtaithe a fhorbairt, trí infheistíocht a dhéanamh in oiliúint threisithe, d'fhonn na fréamhacha a chur óna mblathóidh margadh téagartha saothair a mbeidh teacht aniar ann, a bheidh in ann teacht i dtír ar threochtaí agus ar dhúshláin de nádúr síorluaineach agus a bheidh in ann deiseanna a thapú ag an am céanna.
12. Tá sé ríthábhachtach go sealbhóidh daoine an t-eolas agus na scileanna a bhaineann le cumas na litearthachta, na huimhearthachta agus an digitithe chomh maith le cumas fiontraíochta. Ba cheart deiseanna a bheith ar fáil chun eolas agus scileanna níos fearr agus eolas agus scileanna nua a fháil, chun eolas idirdhisciplíneach agus scileanna idirdhisciplíneacha agus cumas nuálaíochta a shealbhú faoi chuimsiú creat foghlama ar feadh an tsaoil, gan idirdhealú a dhéanamh, do mhná agus d'fhir chun freastal réamhghníomhach a dhéanamh ar riachtanais daoine aonair, riachtanais ar a dtagann athrú le linn thimtriall na fostaíochta agus de bharr dinimic ghasta mhargadh an tsaothair.

13. Ba cheart infheistíochtaí a dhéanamh i scileanna faoi chreataí de chuid an Aontais agus faoi chreataí náisiúnta atá ann cheana lena gcuirtear ar fáil an chothromaíocht is gá idir oideachas agus oiliúint, idir saol oibre, saol teaghlaigh agus saol príobháideach daoine aonair agus an fhreagracht atá ar fhostóirí. Éilíonn an méid sin go mbeidh comhpháirtíochtaí gníomhacha éifeachtacha idir na comhpháirtithe sóisialta, na geallsealbhóirí oideachais agus gairmoiliúna agus fostóirí. Éilíonn sé freisin go ndéanfar infheistíochtaí straitéiseacha san oideachas agus go ndéanfar náisiúnaigh tríú tír nuathagtha atá ina gcónaí go dlíthiúil san Aontas a thabhairt isteach sa mhargadh saothair ar bhealach níos éifeachtaí agus níos tapúla.⁷
14. Ní mór an nasc idir oideachas, gairmoiliúint agus fostaíocht a neartú agus béim bhreise de dhíth chun feabhas a chur ar an ról atá ag an bhfoghlaim ardcháilíochta obairbhunaithe, printíseachtaí, tréimhsí oiliúna, intéirneachtaí agus cineálacha eile aistrithe ón scoil go dtí an obair.
15. Ina theannta sin, is gá go n-aithneofar agus go mbailíochtófar ar bhonn níos leithne na cineálacha sin foghlamtha, lena n-áirítear an fhoghlaím neamhfhoirmiúil agus neamhfhoirmeálta, mar chuid d'iarracht chomhtháite conairí foghlamtha a thabhairt níos gaire do na dalaí margaidh atá ag teacht chun cinn agus do threochtaí comhaimseartha tionscail.
16. Chun an acmhainneacht atá i lucht saothair dinimiciúil inoiriúnaithe a chothú, beifear ag brath freisin ar thuiscint níos fearr a fháil ar an tábhacht a bhaineann le luachanna na saoránachta gníomhaí daonlathaí a chothú chun an deis a chruthú go dtiocfaidh fás ar an gcruthaitheacht agus ar na scileanna fiontraíochta agus scileanna saoránaigh is gá chun fás eacnamaíoch atá inbhuanaithe agus cuimsitheach a chomhlánú agus chun rannpháirtíocht fhadtéarmach i margadh an tsaothair a ráthú.

Fostaíocht a dhéanamh níos tarraingtí

17. Tá ioncam leordhóthanach ó phoist ardcháilíochta bunriachtanach lena áirithiú gur fiú tairbhe na hoibre an trioblóid. Maidir le socruithe cánach agus cosanta sóisialta, lena n-áirítear, de réir mar is infheidhme, sochair sa láthair oibre, is gá dóibh a bheith leordhóthanach agus, san am céanna, dírithe go comhsheasmhach ar an gcothromaíocht iomchuí idir bearta gníomhachtúcháin agus tacaíocht ioncaim a chur ar fáil don dara duine sa teaghlach atá ag tuilleamh; níor cheart don mhéid sin aon bhac a chur ar inbhuanaitheacht na gcóras cosanta sóisialta.

⁷ Conclúidí ón gComhairle, 6885/2017: "Suirbhé Bliantúil Fáis 2017 agus an Tuarascáil Chomhpháirteach ar Fhostaíocht: Treoir pholaitiúil maidir le beartais fostaíochta agus shóisialta", a glacadh ar an 3 Márta 2017.

18. Tá gá le teaghlaim de bhearta uilíocha agus de bhearta spriocdhírithe, lena gcuirtear ar fáil meascán éifeachtach de bhearta gníomhachtúcháin, de thacaíocht leordhóthanach ioncaim agus de rochtain ar sheirbhísí sóisialta ar ardcháilíocht. Tá cur chuige ilghnéitheach le glacadh, ar cur chuige é ina mbeidh tacar solúbtha de bhearta bunaithe ar staideanna socheacnamaíocha sonracha na mBallstát.
19. Is féidir gur éifeachtach an bealach iad cuir chuige aonair chun comhtháthú inbhuanaithe mhargaidh an tsaothair a áirithiú trí phacáistí saincheaptha seirbhísí. Is fearr is féidir an méid sin a bhaint amach trí chur chuige comhtháite lena n-éilítear comhar agus comhordú feabhsaithe idir na geallsealbhóirí agus idir na seirbhísí fostaíochta agus na seirbhísí sóisialta, agus trí dhul i gcomhairle leis na comhpháirtithe sóisialta chomh maith. Tá ról freisin ag dlíthe agus rialacháin náisiúnta sna straitéisí chun gur fiú tairbhe na hoibre, áirithítear leo nach mbaintear mí-úsáid as beartais agus dreasachtaí mhargadh an tsaothair, lena n-áirítear iad siúd atá mar chuid de na córais sochair. ⁸

Infheistíocht a dhéanamh i struchtúir tacaíochta chun saol na hoibre, saol an teaghlaigh agus an saol príobháideach a thabhairt chun réitigh

20. Is gá cúram leanaí⁹ agus seirbhísí cúraim atá ar ardcháilíocht agus atá inacmhainne agus inrochtana a chur ar fáil le go sáróidh cúramóirí atá i bhfostaíocht, mar aon leo siúd a bhfuil fostaíocht á cuardach acu, go háirithe mná, le go sáróidh siad na costais agus na bacainní a bhíonn rompu amach.
21. Le creataí institiúideacha agus le creataí reachtacha, ba cheart go dtacófaí le mná agus le fir maidir le saol na hoibre, saol an teaghlaigh agus an saol príobháideach a thabhairt chun réitigh agus, san am céanna, ba cheart go molfáí comhroinnt chothrom na bhfreagrachtaí maidir le cúram leanaí agus cleithiúnaithe eile.¹⁰
22. Ba cheart beartais atá fabhrach do theaghlaigh agus socruithe solúbtha oibre, amhail teilea-obair, fleisc-am, líon laghdaithe uaireanta oibre nó postroinnt, ba cheart iad a chomhtháthú ar bhealach níos fearr i mbeartais lena ndírítear ar fhostaíocht chuimsitheach a chur chun cinn tar éis idirphlé leis na comhpháirtithe sóisialta. Áirithítear le beartais den chineál sin nach ndéanfaidh fostóirí idirdhealú ar fhostaithe a bhfuil leanaí nó cleithiúnaithe eile acu.

⁸ Treoirlíne uimhir 7 de na Treoirlínte do Bheartais Fostaíochta na mBallstát.

⁹ Áirítear leis cúram leanaí óga agus cúram leanaí atá in aois scoile.

¹⁰ COM (2017) 252 final, 26.4.2017 "Tionscnamh chun tacú le cothromaíocht oibre is saoil do thuismitheoirí agus do chúramóirí".

23. Tá deiseanna ann le húsáid atá níos spriocdhírithe a bhaint as Cistí Struchtúracha agus Infheistíochta na hEorpa (cistí SIE) agus as an gCiste Eorpach le haghaidh Infheistíochtaí Straitéiseacha (CEIS), ar cistí iad lena bhféadfaí tacú leis na Ballstáit freisin seirbhísí cúraim agus áiseanna cúraim leanaí, lena gcuirtear feabhas ar an gcothromaíocht oibre agus saoil do thuismitheoirí agus do chúramóirí, a chur ar fáil.

Margaí an tSaothair agus Idirphlé Sóisialta

24. Chun gur fiú tairbhe na hoibre, tá sé mar choinníoll go mbeidh ann do shocruithe le haghaidh mhargadh an tsaothair lena ngabhann dálaí cothroma oibre ar fíor an méid seo a leanas ina leith: (i) tá siad comhsheasmhach le dea-fheidhmiú an mhargaidh aonair agus leis an tsaoirse seirbhísí a chur ar fáil thar theorainneacha agus, san am céanna, urramaítear leo na cleachtais laistigh de mhargaí náisiúnta an tsaothair agus neamhspleáchas na gcomhpháirtithe sóisialta; (ii) áirítear leibhéil leordhóthanacha phá leo i gcomhréir le dlíthe náisiúnta agus/nó le cleachtais náisiúnta; (iii) cuimsítear cineálacha éagsúla socruithe oibre leo; (iv) cuirtear comhdheiseanna agus obair do chách chun cinn leo; agus (v) cuirtear le leas grúpaí leochaileacha leo.
25. Tá sé tábhachtach faisnéis faoi dhálaí oibre atá leormhaith leordhóthanach agus inrochtana a chur ar fáil d'oibrithe d'fhonn éifeachtúlacht beartas nuálacha fostaíochta a áirithiú.
26. Na comhpháirtithe sóisialta a bhíonn i mbun idirphlé, tá ról tábhachtach acu maidir leis na torthaí a bhfuiltear ag súil leo ó bheartais chun gur fiú tairbhe na hoibre a bhaint amach trí rannchuidiú le dálaí leordhóthanacha creata i ndáil le beartais fostaíochta a cheapadh agus a chur chun feidhme, lena n-áirítear beartais chun tacú le daoine a bhfuil aistrithe laistigh de mhargadh an tsaothair os a gcomhair amach.

IARRANN SÍ AR NA BALLSTÁIT AN MÉID SEO A LEANAS A DHÉANAMH:

27. Maidir leis na tosaíochtaí agus na spriocanna a bhunaítear leis an straitéis Eoraip 2020, na treoirlínte fostaíochta, an Tuarascáil Chomhpháirteach ar Fhostaíocht agus na conclúidí seo ón gComhairle, treisiú ar na hiarrachtaí iad a bhaint amach agus, san am céanna, beartais éifeachtacha a chur chun feidhme chun aghaidh a thabhairt ar na moltaí tír-shonracha.
28. An toradh ar an Monatóir ar Fheidhmíocht na Fostaíochta, ar Mhonatóir Feidhmíochta na Cosanta Sóisialta agus ar an obair faireachais iltaobhaigh a dhéanann an Coiste Fostaíochta agus an Coiste um Chosaint Shibhialta a chur san áireamh agus a gcuid beartas á gceapadh acu.

29. Athchóirithe beartais a fheabhsú go gníomhach – athchóirithe chun gur fiú tairbhe na hoibre i gcomhthéacs a gcúinsí náisiúnta, trí chur chuige a ghlacadh atá bunaithe ar chuimsiú gníomhach agus cur le cur chun cinn dreasachtaí chun oibre a mhéadú ar mhodh lena dtugtar aghaidh ar neamhionannais i margadh an tsaothair.
30. I gcomhthéacs na ndálaí náisiúnta, tacú le scileanna a fháil, athoiliúint, agus luachanna agus eolas a chur leis an idirphlé sochpholaitiúil maidir lena bhfuil i ndán do straitéisí chun gur fiú tairbhe na hoibre mar chuid de thréaniarracht le díriú ar bhearnaí i scileanna agus ar mhí-oiriúint scileanna atá ag teacht chun cinn, agus an cháilíocht á feabhsú agus obair chuibhiúil mhaorga mar aon le folláine phearsanta á gcinntiú san am céanna.
31. Leibhéil leordhóthanacha cosanta sóisialta a choinneáil i gcomhthéacs cúinsí náisiúnta as a leanann torthaí sóisialta feabhsaithe agus inbhuanaithe i dteannta cuir chuige le gur fiú tairbhe na hoibre, d'fhonn gníomhachtú agus fás cuimsitheach a spreagadh.
32. Iarrachtaí a threisiú i dtreo cáilíocht post a fheabhsú, lena n-áirítear dálaí cothroma oibre agus leibhéil leordhóthanacha phá. Is ceart é sin a dhéanamh ar mhodh lena n-urramaítear margaí náisiúnta an tsaothair agus neamhspleáchas comhpháirtithe sóisialta.
33. Tionscnaimh a mheas atá dírithe ar ioncam teaghlach ar phá íseal a mhéadú go háirithe i gcás teaghlaigh a bhfuil clann orthu, de réir cleachtas náisiúnta, agus neamhspleáchas comhpháirtithe sóisialta á n-urramú.
34. I gcomhthéacs na ndálaí náisiúnta, díriú ar chomhionannas inscne agus ar shaol na hoibre, saol an teaghlaigh agus an saol príobháideach a thabhairt chun réitigh trí infheistiú i scéimeanna tacaíochta, seirbhísí sóisialta agus cúraim trí straitéisí iomchuí a ghlacadh chun tacú le cothromaíocht oibre is saoil le haghaidh tuismitheoirí agus cúramóirí i gcomhréir le Cuspóirí Barcelona.
35. Idirphlé sóisialta a threisiú agus comhoibriú le comhpháirtithe sóisialta chun beartais a cheapadh agus a chur chun feidhme d'fhonn úinéireacht agus cur chun feidhme éifeachtach a áirithiú.

IARRANN SÍ AR AN gCOIMISIÚN EORPACH:

36. Leanúint den bhéim athnuaite atá á leagan aige ar fhostaíocht agus ar shaincheisteanna sóisialta sa Seimeastar Eorpach agus leanúint den Straitéis Eoraip 2020 a aistriú ina moltaí beartais nithiúla chun dálaí oibre agus maireachtála daoine atá ag maireachtáil san Aontas a fheabhsú, agus inniúlachtaí na mBallstát á n-urramú.
37. Lánúsáid a bhaint as sásraí faireacháin, gan ceanglais tuairiscithe bhreise a chruthú, i leith fostaíocht, bochtaineacht agus eisiamh sóisialta agus tacaíocht á tabhairt do mhalartú cleachtaí agus dea-chleachtas maidir le hathchóirithe éifeachtacha agus cuir chuige nuálacha a ghlacadh, agus béim ar leith ar chuir chuige chun gur fiú tairbhe na hoibre.

IARRANN SÍ AR an gCOISTE FOSTAÍOCHTA agus ar an gCOISTE UM CHOSAINT SHÓISIALTA:¹¹

38. Oibriú, i gcomhar leis an gCoimisiún, ar fhaireachas iltaobhach agus ar mhalartú dea-chleachtas i ngach réimse beartais, ag cur leis an gcreat atá ann cheana don anailís théamach, go háirithe i gcomhthéacs beartais éifeachtacha atá dírithe ar straitéisí chun gur fiú tairbhe na hoibre a cheapadh agus a chur chun feidhme.
39. Aird a thabhairt ar infhostaitheacht, an nasc idir tacaíocht ioncaim, cuimsiú gníomhach agus rochtain ar sheirbhísí mar aon le dreasachtaí chun oibre d'fhonn cur le rannpháirtíocht i margadh an tsaothair mar phríomhthosaíochtaí i gcomhréir lena gcláir oibre.

¹¹ Pléadh an tsaincheist chun gur fiú tairbhe na hoibre i gcuinnithe de chuid an Choiste Fostaíochta agus an Choiste um Chosaint Shóisialta a réachtáladh le linn na hUachtaránachta.

TAGAIRTÍ

An Chomhairle

- Conclúidí ón gComhairle maidir le Suirbhé Bliantúil Fáis 2017 agus maidir leis an Tuarascáil Chomhpháirteach ar Fhostaíocht: Treoir pholaitiúil maidir le beartais fostaíochta agus shóisialta, a glacadh ar an 3 Márta 2017.
- Conclúidí ón gComhairle: Freagairt do Rannpháirtíocht Straitéiseach an Choimisiúin don chomhionannas inscne, a glacadh ar an 16 Meitheamh 2016.
- Conclúidí ón gComhairle maidir le Scileanna na mBan agus na bhFear i margadh saothair an Aontais Eorpaigh a fheabhsú, a glacadh ar an 3 Márta 2017.
- Moladh ón gComhairle maidir le Daoine atá Dífhostaithe go Fadtéarmach a Chomhtháthú i Margadh an tSaothair, a glacadh ar an 15 Feabhra 2016.
- Conclúidí ón gComhairle maidir leis an mBochtaineacht agus leis an Eisiamh Sóisialta a Chomhrac: Cur chuige comhtháite, a glacadh ar an 16 Meitheamh 2016.
- Conclúidí ón gComhairle maidir le Mná agus leis an mBochtaineacht, a glacadh ar an 8 Nollaig 2016.
- An Tuarascáil Chomhpháirteach ar Fhostaíocht ón gComhairle agus ón gCoimisiún (2017).

An Coimisiún

- Teachtaireacht ón gCoimisiún chuig Parlaimint na hEorpa, chuig an gComhairle, chuig Coiste Eacnamaíoch agus Sóisialta na hEorpa agus chuig Coiste na Réigiún maidir leis an tionscnamh chun tacú le cothromaíocht oibre is saoil do thuismitheoirí agus do chúramóirí. COM(2017) 252 final.
- Teachtaireacht ón gCoimisiún chuig Parlaimint na hEorpa, chuig an gComhairle, chuig Coiste Eacnamaíoch agus Sóisialta na hEorpa agus chuig Coiste na Réigiún maidir le 'Clár Oibre Nua Scileanna don Eoraip'. COM (2016) 381 Final.
- An Coimisiún Eorpach, Chun Gur Fiú Tairbhe na hOibre: Páipéar Coincheapúil/ Nóta Taighde 3/2016.

Eile

- Aitheasc ar Staid an Aontais 2016: Ionsar Eoraip níos fearr — an Eoraip sin a chumhdaíonn, a chumhachtaíonn agus a chosnaíonn.
- An Coiste um Chosaint Shóisialta, Tuarascáil Bhliantúil (2016).